

ՀԱՄԱՏԵՂ ՀՐԱՄԱՆ

« 18 » 06 2016
N 29-Ն
օր. N 2
ՇԼՆ 12/1609
28.06.16

« 30 » 06 2016
N 1139-Ն
օր. N 2

Կառավարական քաղաքային և միջքաղաքային հեռախոսակապի ծառայություններ մատուցելու մասին

ՀՀ կառավարությանն առընթեր ազգային անվտանգության ծառայությունը և ՀՀ արտաքին գործերի նախարարությունը, ի կատարումն ՀՀ կառավարության 2011թ. սեպտեմբերի 22-ի N1500-ՆԳ որոշման, դեկավարվելով «Ազգային անվտանգության մարմինների մասին» ՀՀ օրենքի 26-րդ հոդվածով և ՀՀ կառավարության 2002թ հունվարի 18-ի «Հայաստանի Հանրապետության պետական և համայնքների բյուջեների կատարման կարգը հաստատելու մասին» N 48 որոշմամբ հաստատված «Հայաստանի Հանրապետության պետական և համայնքների բյուջեների կատարման» կարգի 34-րդ կետի պահանջներով՝ ՀՀ արտաքին գործերի նախարարությանը կառավարական քաղաքային և միջքաղաքային հեռախոսակապով ապահովելու և սպասարկելու նպատակով

ՀՐԱՄԱՅՈՒՄ ԵՆՔ

1. ՀՀ ազգային անվտանգության ծառայությունը ՀՀ արտաքին գործերի նախարարությանը մատուցում է կառավարական քաղաքային և միջքաղաքային հեռախոսակապի ծառայություններ (այսուհետ՝ «Ծառայություններ»), իսկ ՀՀ արտաքին գործերի նախարարությունը վճարում է այդ Ծառայությունների դիմաց՝ սույն համատեղ հրամանով սահմանված կարգով:
2. Սույն համատեղ հրամանով նախատեսված պահանջները տարածվում են կողմերի միջև 2016թ. մայիսի 02-ից ծագած հարաբերությունների նկատմամբ:

3. ՀՀ ԱԶԳԱՅԻՆ ԱՆՎՏԱՆԳՈՒԹՅԱՆ ԾԱՌԱՅՈՒԹՅՈՒՆԸ ԱՊԱՅՈՎՈՒՄ Է.

- 1) Ծառայությունների որակյալ, անխափան մատուցում և սույն համատեղ հրամանով նախատեսված պարտավորությունների կատարումը,
- 2) Կանխի միջոցների անխափան աշխատանքը և վնասվածքների ժամանակին վերացումը,
- 3) ՀՀ արտաքին գործերի նախարարությունում տեղադրված կապի միջոցների և բաժանորդային գծի անվտանգությունն ապահովող հատուկ միջոցառումներ՝ գաղտնի տեղեկատվության արտահոսքը կանխելու նպատակով,
- 4) Կառավարական կապի միջոցների տեղադրումը, վերատեղադրումը և ծառայությունների մատուցումն ու դրանց հետ կապված աշխատանքների կատարումը՝ ՀՀ արտաքին գործերի նախարարության կողմից վճարման պարտավորության մասին գրավոր հայտ ներկայացնելուց հետո,
- 5) Կառավարական քաղաքային և միջքաղաքային հեռախոսակապի անջատումը, եթե ՀՀ արտաքին գործերի նախարարությունը չի կատարում Ծառայությունների դիմաց ամենամսյա բաժանորդային վճարումը՝ ըստ սույն համատեղ հրամանի 4-րդ կետի 4) և 5) ենթակետերի:

4. ՀՀ ԱՐՏԱՔԻՆ ԳՈՐԾԵՐԻ ՆԱԽԱՐԱՐՈՒԹՅՈՒՆԸ ԱՊԱՅՈՎՈՒՄ Է.

- 1) ՀՀ ազգային անվտանգության ծառայության կապի հանգույցից մինչև իր աշխատասենյակները առանձին մալուխային գծի շարքից դուրս գալու դեպքում վերանորոգման աշխատանքների ծախսերը՝ ըստ կառավարական կապի միջոցների շահագործման հատուկ պահանջների,
- 2) Կառավարական կապի միջոցների շահագործման հատուկ պահանջների կատարումը և այն աշխատասենյակների պահպանումը, որտեղ տեղադրված են այդ միջոցները,
- 3) Իր մոտ տեղադրված կապի միջոցների պահպանումը,

4) Ծառայության դիմաց բաժանորդային նախորդ ամսվա վարձի վճարումը ոչ ուշ, քան մինչև ընթացիկ ամսվա 10-ը՝ համաձայն ՀՀ Կառավարության 22.09.2011թ. N1500-ՆԳ որոշման: Վճարումները կատարվում են դրամով՝ հետևյալ կերպ.

№	ՏԵՂԱԴՐՄԱՆ ՎԱՅՐԸ	Կառավարական միջբաղաբային կապ	Կառավարական քաղաքային կապ	Լրացուցիչ կառ. քաղաք.կապ	Ընդամենը
1.	ՀՀ արտաքին գործերի նախարարի աշխատասենյակ	1X 500 000	1X 225 000		725 000
2.	ՀՀ արտաքին գործերի նախարարի բնակարան		1X 225 000		225 000
3.	ՀՀ արտաքին գործերի նախարարի հանգստի սենյակ			1X 112 500	112 500
4.	Կապի անվտանգությունն ապահովող հատուկ ծառայություններ	2 X 100 000			200 000
5.	ընդամենը տարեկան վարձը				1 262 500
6.	մեկ միլիոն երկու հարյուր վաթսուներկու հազար հինգ հարյուր դրամ				


5) Բաժանորդային վճարումների փոխանցումը ՀՀ ազգային անվտանգության ծառայության հաշվարկային հաշվին՝ ամեն ամիս,

6) Իր մոտ տեղադրված հատուկ կապի միջոցների վերադարձը ՀՀ ԱԱ ծառայությանը՝ տեխնիկապես սարքին վիճակում՝ Ծառայության նատուցումների վերջնական դադարեցումից անմիջապես հետո,

7) ՀՀ ազգային անվտանգության ծառայությանը պատկանող կապի միջոցների արժեքի փոխհատուցումը՝ ըստ կազմված համապատասխան ակտի, եթե դրանք կորստի են մատնվել իր մեղքով:

5. Ուժը կորցրած համարել ՀՀ ազգային անվտանգության ծառայության և ՀՀ արտաքին գործերի նախարարության առ 22.12.2011թ. N84-Ա համատեղ հրամանը:

ՀՀ ազգային անվտանգության ծառայության տնօրեն




Գ. Կուտոյան

ք.երևան 375001, Նալբանդյան 104 ԱԱԾ
 ՀՀ Ֆին. նախ. գործառնական վարչության
 համայնքների և պետական հիմնարկների բյուջեների
 հաշվառման բաժին
 հ/հ 900018301011
 հվհհ 01507079

Կ.Տ.

ՀՀ արտաքին գործերի նախարար



Լ. Նալբանդյան

ք. Երևան, Վազգեն Սարգսյան 3/8
 ՀՀ Ֆին. նախ. գործառնական վարչության
 համայնքների և պետական հիմնարկների բյուջեների
 հաշվառման բաժին
 հ/հ 900011196012
 հվհհ 02527128



Կառավարական կապի և տեղեկատվության վարչություն հեռախոս 1-99